

„ვამტკიცებ“

საქართველოს ჭიდაობის ეროვნული

ფედერაციის პრეზიდენტი ბ-ნ მ. კვიციანი



2015 წელი



დ ე ბ უ ლ ე ბ ა

სპორტსმენისა და მისი პირველი მწვრთნელის მიერ, მეორე -
შერჩეულ მწვრთნელზე სპორტსმენის გადაცემის პროცედურისა
და მათი ვალდებულებების შესახებ

თბილისი

2015

პირადი მოსწავლის და პირველი მწვრთნელის მიერ, მეორე (შერჩეულ) მწვრთნელზე სპორტსმენის გადაცემასთან დაკავშირებული უფლებები და ვალდებულებები:

1. პირველი მწვრთნელი და მისი სპორტსმენი(პირადი მოსწავლე) წინასწარ, ურთიერთ შეთანხმებით არჩევენ მეორე(მიმღებ) მწვრთნელს, რომელიც აგრძელებს სპორტსმენის საწვრთნელ-აღმზრდელობით საქმიანობას. მხარეთა შორის დგება წერილობით შეთანხმება, რომელიც ადასტურებს მხარეთა თანხმობას ყოველივე ზემოთ აღნიშნულთან დაკავშირებით.
2. სპორტსმენის პირველი მწვრთნელი (გადამცემი), მას შემდეგ რაც შეარჩევს და შეუთანხმდება მეორე (მიმღებ) მწვრთნელს, ფედერაციის პრეზიდენტის სახელზე წერს განცხადებას სპორტსმენის მეორე მწვრთნელისთვის გადაცემასთან დაკავშირებით, რომელსაც ასევე ხელს აწერენ მეორე მწვრთნელი და უშუალოდ გადასაცემი სპორტსმენი, ხოლო თუ სპორტსმენი არასრულწლოვანია მისი კანონიერი წარმომადგენელიც. აღნიშნული ხელმოწერებით მხარეები ადასტურებენ, რომ იცნობენ საქართველოს ჭიდაობის ეროვნული ფედერაციის აღმასრულებელი ორგანოს - პრეზიდიუმის მიერ მიღებული ნორმატიულ აქტს „სპორტსმენისა და მისი პირველი მწვრთნელის მიერ, მეორე-შერჩეულ მწვრთნელზე სპორტსმენის გადაცემის პროცედურისა და მათი ვალდებულებების შესახებ“ და ეთანხმებიან მას.

2.1 განცხადებაში მითითებული უნდა იყოს:

- ა) სპორტსმენის გვარი სახელი, დაბადების წელი, 1 ფოტოსურათი 5X5-ზე, პირველ მწვრთნელთან წვრთნის სტაჟი და სპორტული შედეგი;

ბ) მეორე (მიმღები) მწვრთნელის გვარი და სახელი, პირადი ნომერი;

3. განცხადებაზე დადებითი პასუხის მიღების შემთხვევაში, სპორტსმენის პირადი აღმზრდელები იქნებიან მხოლოდ პირველი (გადამცემი) და მეორე (მიმღები) მწვრთნელები. შესაბამისად, სპორტსმენის მიერ მაღალი სპორტული შედეგის მიღწევის შემთხვევაში, წამახალისებელი პრემიალური თანხა გადანაწილდება 50/50–ზე პროპორციულად მწვრთნელებს შორის. პირადი მწვრთნელის სტატუსის შეჩერება, შეწყვეტა ან გაუქმება შესაძლებელია მწვრთნელებისა და სპორტსმენის ურთიერთ შეთანხმებით, მათი შეუთანხმებლობის შემთხვევაში ერთ-ერთი მხარის მიერ ფედერაციის პრეზიდენტის მიმართ დაწერილი განცხადების საფუძველზე, საკითხს განიხილავს ფედერაციაში არსებული სამეთვალყურეო საბჭო პრეზიდენტის შუამდგომლობით, რომელთა მიერ მიღებული გადაწყვეტილება სავალდებულოა მხარეთა შესასრულებლად და გასაჩივრებას არ ექვემდებარება.

4. მოცემული დოკუმენტის არ ქონის შემთხვევაში, მწვრთნელების ან სპორტსმენის მიერ გამოთქმული პრეტენზიები ჩაითვლება უსაფუძვლოდ და საქართველოს ჭიდაობის ეროვნული ფედერაციის მიერ არ განიხილება.